

國史讀本

七卷

國史讀本

光緒三十四年十月十五日印行



著者

咸陽李岳瑞

印刷所

上海西門外梅林山路順元里
廣智書局活版部

發行所

上海四馬路
廣智書局

分售處

各省大書莊

定價大洋二角五分

國史讀本卷七目錄

- 五代四十劉知遠之建國 四十一三叛之平 四十二漢亡之本末 四十三續 四十四周世宗高平之捷 四十五續 四十六周世宗經營天下之方畧 四十七世宗北伐之役 四十八世宗之崩 四十九馮道五十續 宋一太祖之創業 二太祖受禪 三太祖罷諸將兵權 四太祖矯五代方鎮之弊 五太祖經武備邊之畧 六削平諸國之先後 七高梁之戰 八德昭廷美之死 九夏州之變 十岐溝之敗 十一楊業之死 十二契丹入寇 十三尹繼倫徐河之捷 十四何承矩開河北水利 十五續 十六太宗朝諸臣相業 十七眞宗初契丹寇邊 十八眞宗制馭西夏之失策 十九澶淵之盟 二十續 二十一續 二十二李沆之相業 二十三寇準之罷相 二十四天書封禪 二十五續 二十六續 二十七王旦之相業 二十八丁謂之奸 二十九

劉后之臨朝

三十丁謂之敗

三十一仁宗之親政

三十二范仲淹之

貶

三十三仁宗初之財政

三十四元昊之初起

三十五西事始末

三十六續

三十七續好水川之敗

三十八續

三十九元昊請盟

四十契丹之渝盟

四十一富弼之外交

四十二續

四十三慶歷黨論

四十四狄青南征之功

四十五續

四十六續

四十七范仲淹

四十八六塔回河之役

四十九建儲之議

五十刺陝西民爲義勇軍

五十一韓琦歐陽修調和兩宮

五十二濮議之紛擾

五十三續

十四夏人寇邊

五十五王安石之始進

五十六續

五十七新法之行

五十八新舊之競爭

五十九學校貢舉之議

六十王韶之武功

六十一續

六十二王安石之再相

六十三遼使爭代州界

六十四交

趾犯邊

六十五經營西夏

六十六續

六十七永樂之敗

六十八

續

六十九西南之開疆

七十兵制之改革

七十一歐陽修畧傳

七十二官制之更改

七十三司馬光進資治通鑑

七十四王安國鄭俠之

斥逐

七十五蘇軾詩獄

七十六高太后之臨朝

七十七新法之罷

七十八司馬光之薨逝

七十九洛蜀兩黨之爭

八十呂范之政策

八十一蔡確之獄

八十二呂大防調停之策

八十三黨論之紛擾

八

十四哲宗之親政

八十五道學諸儒

八十六續

八十七北宋之經學

八十八北宋一代文章宗派

八十九北宋之詩學





國史讀本卷七

咸陽李岳瑞編

五代四十

劉知遠之建國

古今霸主傳世之促未有如劉知遠者也。蓋其締造之初本無功德於天下。矚石氏之亡攘而有之當是時也。字縣陸沈人神慘酷。知遠不能增修德政。以蘇海內之困。而又嚴刑重斂。以促之天下之怨極矣。幸而考終牖下。嗣子委裘。又以童昏失衆心。昵比羣小。誅戮大臣。四載而亡。非不幸也。知遠者本沙陀部人。事石敬瑭爲親將。敬瑭篡位。以知遠有佐命功。俾鎮晉陽。重貴時杜威總兵柄。忌知遠威名。浸疏忌之。遂即與朝廷積相乖忤。重貴旣亡。河東將佐皆勸知遠稱尊號。以令四方。知遠從之。遂即帝位。仍稱晉天福年號。契丹主旣北歸。知遠始集羣臣議進取。諸將咸請出師井陘。以取鎭魏。知遠欲自石會趨上黨。郭威曰。虜主雖死。黨衆猶盛。各據堅城。我出師河北。兵少路迂。旁無應援。若羣盜合勢。協以謀我。此危道也。上黨山路險艱。民殘粟少。

大軍供億其何所出。近者河中。陝。晉。相繼款。塹。引兵南下。萬無一失。不出兩旬。汴洛定矣。知遠曰。卿言是也。乃帥師發晉陽。自茅津度河。汴洛兩都相繼迎降。諸鎮亦先後送款。乃改國號曰漢。於是中原始畧定。而杜重威復反於鄴。時兵火之餘。公私困竭。王章爲三司使。罷不急之務。省無益之費。軍儲粗給。重威旣平。知遠亦疾篤。未幾遂卒。其大臣郭威。史弘肇。楊邠等。奉知遠子周王承祐嗣位。以重威尙在。矯知遠詔誅之。而後發喪。

五代四十一 三叛之平

知遠卒。而三叛起。三叛者。李守貞。據河中。趙思綰。據長安。王景崇。據鳳翔。皆稱兵。拒朝。命守貞自稱秦王。景崇西降蜀。思綰則周旋於二叛之間。諸將往致討。久無功。乃議遣重臣臨督。於是。以郭威爲安撫使。命諸將皆受節度焉。三叛平。而郭氏之帝業成矣。威旣受命。召諸將議。進取方畧。諸將請先取長安。扈彥琦曰。今三鎮連衡。皆推守貞爲主。守貞亡。兩鎮不攻自破矣。若舍近攻遠。王趙拒吾前。守貞犄吾後。此危道。

也。威善之。於是會師三。集於河中。威以親將。事知遠久。撫馭士卒。能與同苦樂。小有功。輒厚賞之。有被微傷者。必親視。撫慰。士無賢不肖。有所陳請。皆溫辭色而後受之。由是士卒皆歸心焉。諸將欲急攻城。威曰。守貞前朝宿將。善戰好施。未可輕敵。況城臨大河。樓堞完固。盡銳仰攻。徒費兵力。不若設長圍而守之。彼如坐網中矣。守貞屢出兵來攻。威輒擊却之。城中食漸乏。出降者絡繹。威乘其離散。督大軍百道攻之。克其外郭。守貞與妻子自焚死。河中悉平。威閱守貞文書。得朝臣藩鎮交通書甚夥。欲奏之。秘書郎王溥諫曰。魑魅乘夜爭出。見日則自消矣。願一切焚之以安反側。威從之。人心遂大定。旣而趙思綰請降。鳳翔亦下。王景崇自殺。三叛旣平。漢主浸驕。縱與羣小狎暱。無度其母李太后數戒之。卒不聽。太常卿張昭上疏。宜親近儒臣。講習經訓。亦不納。

五代四十二 漢亡本末

漢人聞遂將南侵。議令郭威鎮鄴都。督諸將禦之。史弘肇欲使威仍領樞密。宰相蘇

逢吉以故事不可弘肇曰領樞密則可以便宜行事諸軍畏服號令行矣漢主從之詔河北甲兵錢糧悉聽威調用逢吉謂弘肇曰以內制外順也今反以外制內其可乎由是將相始有隙矣漢主之初即位也楊邠總機政郭威主征伐史弘肇典宿衛王章掌財賦邠頗公忠門無私謁弘肇督察京城道不拾遺章摺撫遺利供億不乏國家粗安然吝於出納聚斂刻急百姓愁怨尤不喜文臣常曰此輩授以握算不知縱橫何益於用俸祿自武臣外皆以不堪給軍者高其直而給之漢主浸壯左右嬖幸漸用事邠等屢裁抑之遂共怨執政漢主賜伶人錦袍玉帶弘肇怒曰士卒守邊苦戰猶未有以賜之爾曹何功得此皆奪之漢主屢爲大臣所制積不能平邠弘肇嘗議事於前曰陛下但禁聲有臣等在漢主益忿左右因譖之曰邠等專恣終當爲亂漢主遂與左右謀誅邠等會邠章弘肇相率入朝殿中甲士執而殺之分遣禁軍收捕邠等親黨僕從悉殺之并及郭威家屬而密詔鄴中諸將郭崇威曹威等使圖郭威蘇逢吉雖與弘肇不協而未預密謀聞變驚愕私語人曰主上儻以一言見詢

何至於此。

五代四十三 續

使者至。澶州不敢發。以密詔示郭威。威乃召諸將。流涕言曰。吾與諸公披荆棘。從先帝定天下。受託孤之任。竭力以衛國家。今諸公既死。吾何心獨生。君輩其奉行詔書。取吾首以報天子耳。諸將皆泣曰。天子幼冲。此必左右羣小所爲。願從公入朝。自訴蕩滌鼠輩。以清朝廷。不願公徒死也。威乃畱養子榮。鎮鄴。以崇威先驅。自將大軍繼之。慕容彥超者。知遠之母弟也。聞難兼程入朝。漢主悉以軍事委之。威至封邱。人心洶懼。漢主自督軍出禦之。既陳。彥超引輕騎直前奮擊。馬蹶而退。麾下死者百餘人。諸軍奪氣。稍稍降于威。彥超以十餘騎奔還。兗州漢主獨與三相及左右數十人宿七里寨。翼日還宮。嬖人劉銖拒之。遂回轡而西。爲亂兵所害。蘇逢吉死焉。郭威入京師。帥百官起居太后。請立徐州節度使贊爲嗣。贊知遠弟崇之子也。未至而遼人入寇。太后命威帥師禦之。軍至澶州。將士忽大譟曰。天子須侍中自爲之。將士已與劉

氏爲仇。不能復北面事之矣。或裂黃旂被威體。扶之南行。至大梁。遂以太后詔禪位於威。而廢贇爲湘陰公。旋亦弑之。威卽皇帝位。自謂文王子。號叔之後。建國號曰周。是爲後周太祖。蓋自唐莊宗以來。沙陀種人據中國。帝位者二十有八年矣。至是乃復歸漢族之手。時劉崇方鎮晉陽。遂以河東十二州之地。自稱皇帝。而稱臣於遼。史家因號之曰北漢。所以別於嶺南之南漢也。

五代四十四 周世宗高平之捷

五代之亂極矣。至於後周。則亂極思治之。交而吾族由衰返盛之機會也。而天挺人豪之周世宗。乃應時勢而起矣。世宗諱榮。姓柴氏。周太祖聖穆皇后之猶子也。父曰守禮。幼從姑長。太祖愛之。養爲己子。漢之亡也。太祖諸子皆見殺。獨世宗從太祖在鄴。旣受禪。封爲晉王。太祖殂。遂卽帝位。北漢主劉崇聞太祖之殂也。喜甚。請兵於遼。導之南寇。遼主使大將楊衮以萬騎赴之。崇自將三萬人南趣澤潞。昭義帥李筠迎戰而敗。遁歸上黨。嬰城自守。當是時。新遭大喪。中外疑懼。而強隣壓境。河北震動。汴

都士大夫人人皆謂開運之禍復見于今日矣。世宗欲自將禦之。羣臣皆曰。陛下新卽位。山陵未安。人心易搖。不宜輕出。宜命將禦之。宰相馮道諫尤力。世宗曰。崇幸我大喪。輕朕年少。是以傾國而來。諸將非彼敵也。遂以諸軍發大梁。主懷州兼程而進。北漢軍在高平。周前鋒擊之。漢兵小却。世宗慮其遁去。趣諸軍急進。北漢主陳於巴公原。張元徽軍其東。楊衮軍其西。衆頗嚴整。周後軍未至。衆心頗危懼。而世宗志氣益銳。乘甲馬臨陳督戰。北漢主見周兵之少也。易之。悔召遼兵。楊衮策馬望周兵退。謂北漢主曰。勁敵也。未可輕進。北漢主奮髯曰。請公勿言。試觀吾却敵。時東北風盛。俄轉南風。北漢主揮東軍先進。周右軍拒之。戰甫合。周將樊愛能何徽引騎兵先遁。右軍遂潰。步軍數千人皆解甲降於北漢。

五代四十五 續

世宗見軍勢危急。自率親兵犯矢石督戰。趙匡胤時爲宿衛將。語同列曰。主危如是。吾屬胡可不致死。又謂張永德曰。敵氣驕可破也。公引兵乘高爲左翼。我爲右翼。以

擊之中國安危在此一舉矣。永德從之。匡胤身先士卒。馳犯其鋒。將士皆殊死戰。莫不一當百。北漢兵披靡。張元徽馬蹶。爲周兵所殺。周兵爭奮。南風愈盛。北漢兵大敗。楊衮畏周兵之強。不敢救。全軍而退。北漢主尙有餘衆萬餘人。阻澗而陳。薄暮。周後軍至。復擊敗之。追至高平。僵尸滿谷。委棄輜重器械不可勝計。北漢主以百餘騎。晝夜北走。衰老力憊。殆不能支。僅得至晉陽。樊愛能等聞捷。與逃卒稍稍北還。世宗休兵。高平欲誅愛能等。以訪張永德。對曰。愛能等素無大功。忝冒節鉞。望敵先退。死未塞責。陛下方欲削平四海。苟軍法不立。雖有熊羆之士。百萬之衆。安所用之。世宗肆其言。卽收愛能。徽及所部將校七十餘人。責之曰。汝輩非不能戰。正欲以朕爲奇貨。賣與劉崇耳。悉斬之。自是驕將惰卒。始知所懼矣。以趙匡胤之力。戰擢爲殿前都虞候。初宿衛之士。累朝相承。務爲姑息。不欲簡汰。恐傷人情。由是羸老居多。且驕蹇不肯用命。每遇大敵。非走即降。自唐以來。亡國之繇。率出於此。世宗自高平還。深知其弊。謂侍臣曰。兵務精不務多。今以農夫百人之力。未能養一甲士。奈何。賧民膏血。以

養此無用之物乎。乃命大簡諸軍精銳者升之上軍。羸弱者屢去之。又以驍桀之士多爲方鎮所畜。詔募天下壯士咸遣詣闕。由是士卒精強所向克捷。以積弱衰茶之中國。不三四年南收淮隴北復三關。威武之聲震懾夷夏有由也哉。

五代四十六 周世宗經營天下之方畧

世宗謂宰相曰。朕每思政治之方未得其要。寢食不忘。今吳蜀幽并皆阻聲教。未能混一。宜令近臣著爲君難爲臣不易論。及開邊策各一編。朕親覽之。於是比部郎中王朴獻策曰。中國之失吳蜀幽并也。皆由失道。今必先觀所以失之之原。然後知所以取之之術。其失之也。莫不以君暗臣邪。兵驕民困。奸黨內熾。武夫外橫。因小致大。積微成著。今欲取之。莫若反其所爲而已。進賢退不肖。以收天下之才。賞功罰罪。以盡天下之力。去奢節用。以豐其財。時使薄歛。以阜其民。使羣才旣集。政事旣治。財用旣充。士民旣增。然後舉而用之。則功無不成矣。攻取之道。必先其易而後其難。唐與吾接境。幾二千里。其勢易擾。擾之當以無備之處。爲始。備東則擾西。備西則擾東。彼

必奔。走。救。援。之。不。皇。而。我。因。以。得。其。虛。實。強。弱。之。故。然。後。避。實。擊。虛。避。強。擊。弱。未。須。大。舉。日。試。輕。兵。南。人。懦。怯。小。有。警。必。悉。師。馳。救。師。徒。數。動。則。民。疲。而。財。竭。江。北。諸。州。將。悉。爲。我。有。既。得。江。北。則。用。彼。之。民。行。我。之。法。江。南。不。難。取。也。得。江。南。則。嶺。南。巴。蜀。可。傳。檄。而。定。矣。南。方。既。定。幽。燕。必。望。風。歸。附。若。其。不。至。則。移。兵。攻。之。席。卷。可。致。惟。河。東。必。死。之。寇。不。可。以。恩。信。招。來。必。當。以。強。兵。制。之。然。彼。自。高。平。之。敗。力。竭。氣。阻。勢。不。能。爲。我。患。宜。且。置。爲。後。圖。俟。天。下。既。平。然。後。乘。間。進。師。一。舉。而。可。下。也。世。宗。欣。然。納。之。其。後。南。收。淮。甸。北。下。三。關。大。略。皆。如。扑。策。

五代四十七 世宗北伐之役

世宗既取淮甸。遂謀有事於北方。初遼人屢侵河北。輕騎深入。無復藩籬之限。言事者稱深。冀之閒有胡盧河。橫亘數百里。可浚而廣之。以制虜騎之奔突。乃詔王彥超。韓通。將兵浚之。築城於李晏口。留兵守之。世宗召張藏英。問以備邊之策。藏英具陳地形要害。請列置戍兵。募邊人驍勇者。厚其廩餼。自將之。隨宣討。擊從之。藏英到官。